

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA THELATHINI NA MOJA

22 MEI, 2017



ORODHA YA SHUGHULI ZA LEO

MKUTANO WA SABA

KIKAO CHA THELATHINI NA MOJA TAREHE 22 MEI, 2017

I. DUA:

II. HATI ZA KUWASILISHA MEZANI:

WAZIRI WA MALIASILI NA UTALII:

Randama za Makadirio ya Mapato na Matumizi ya Wizara ya Maliasili na Utalii kwa Mwaka wa Fedha 2017/2018.

III. MASWALI:

OFISI YA RAIS (TAMISEMI):

**244. MHESHIMIWA VEDASTUS MATHAYO
MANYINYI (MUSOMA MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Wenyeviti wa Mitaa, Madiwani, Wabunge na Rais huchaguliwa na watu wanaoishi katika eneo la mipaka yake na wote hawa wanafanya kazi ya kuwahudumia Wananchi katika maeneo yao:-

Je, Serikali imeridhika na malipo wanayopata Wenyeviti wa Mitaa pamoja na Madiwani.

245. MHESHIMIWA NJALU DAUDI SILANGA (ITILIMA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Halmashauri ya Wilaya ya Itilima ni mpya na haina Hospitali ya Wilaya:-

Je, ni lini Serikali itapeleka fedha kwa ajili ya ujenzi wa Hospitali hiyo ili Wananchi wa Wilaya hiyo waweze kupata huduma za Afya.

WIZARA YA MAMBO YA NDANI YA NCHI:

246. MHESHIMIWA MOHAMED JUMA KHATIB (CHONGA):

Atamuuliza Mheshimiwa Waziri wa Mambo ya Ndani ya Nchi:- Kumezuka wimbi kubwa sana lenye kutisha la ajali za bodaboda nchini kiasi cha kuzifanya Hospitali zetu kupungukiwa na uwezo wa kuwahudumia waathirika wote wa ajali hizo:-

- (a) Je, Serikali inaweza kulieleza Taifa sababu za kutokea kwa wingi kwa ajali hizo;
- (b) Je, Serikali imejipangaje kukabiliana na ajali hizo bila kuathiri ajira hiyo ya bodaboda.

WIZARA YA FEDHA NA MIPANGO:

247. MHESHIMIWA JESCA DAVID KISHOA (VITI MAALUM):

Atamuuliza Mheshimiwa Waziri wa Fedha na Mipango:- Lengo la Serikali ni kusaidia Sekta Binafsi hasa Wajasiriamali wadogo ili waweze kujajiri lakini tatizo kubwa la Wajasiriamali hao katika Sekta Binafsi Tanzania ni tozo kubwa ya riba inayotolewa na Benki hapa nchini kuwa kubwa kuliko nchi yoyote Afrika Mashariki:-

- (a) Licha ya Tanzania kuwa na Benki nyingi zaidi kuliko nchi zote Kusini na Mashariki mwa Afrika; Je, kwa nini wingi huo bado haujaleta unafuu katika tozo za riba;
- (b) Je, kwa nini Serikali isiweke ukomo wa riba Kisheria kwa Benki hizo ili kumsaidia Mjasiriamali wa Sekta Binafsi Tanzania kama ilivyofanya nchi ya Kenya.

WIZARA YA MAJI NA UMWAGILIAJI:

248. MHESHIMIWA MASHIMBA MASHAURI NDAKI (MASWA MAGHARIBI):

Atamuuliza Mheshimiwa Waziri wa Maji na Umwagiliaji:- Serikali imekamilisha mradi wa

kutoa Maji toka Ziwa Victoria hadi Mji wa Ngudu na Vijiji vilivyo karibu na Mji huo Wilayani Kwimba; mradi huo unatoa maji ya uhakika kuliko miradi ya visima vifupi ambavyo ni vya msimu, lakini Mji Mdogo wa Malampaka na Vijiji vingine vya karibu kama Jihu, Bukigi, Muhida, Lali, Nyabubinza na Mwang'honoli ambavyo vipo karibu na Mji wa Ngudu havijaunganishwa kwenye mradi huo:-

Je, Serikali haioni umuhimu wa kuunganisha Mji Mdogo wa Malampaka na Vijiji vya Jihu, Bukigi, Muhida, Lali, Nyabubinza na Mwang'honoli katika mradi wa Maji kutoka Ziwa Victoria.

249. MHESHIMIWA KABWE RUYAGWA ZITTO (KIGOMA MJINI):

Atamuuliza Mheshimiwa Waziri wa Maji na Umwagiliaji:- Mwezi Juni, 2015 Serikali ya Falme ya Kuwait kupitia Wakfu ya Kuwait ilijulisha Serikali ya Tanzania kupitia Wizara ya Mambo ya Nje kuwa wapo tayari kufadhili mradi wa kilimo cha umwagiliaji katika Delta ya Mto Luiche:-

Je, Serikali imefikia wapi katika utekelezaji wa mradi huo ili kuongeza uzalishaji wa chakula nchini, kujenga viwanda vidogo vya mazao ya kilimo na kuondoa umasikini kwa Wakazi wa Manispaa ya Kigoma Ujiji Mkoani Kigoma.

WIZARA YA KILIMO, MIFUGO NA UVUVI:

250. MHESHIMIWA SIKUDHANI YASSIN CHIKAMBO (VITI MAALUM):

Atamuuliza Mheshimiwa Waziri wa Kilimo, Mifugo na Uvuvi:- Kumekuwa na tatizo la uingizaji wa dawa za kilimo na mifugo ndani ya nchi zisizokidhi vigezo na bei ya dawa hizo zinaongezeka siku hadi siku na kufanya Wakulima na Wafugaji wadogo kukosa maendeleo.

- (a) Je, Serikali inachukua hatua gani za kuhakiki dawa hizo kabla hazijaingia nchini;
- (b) Je, Serikali ina utaratibu gani wa kudhibiti bei hizo.

WIZARA YA UJENZI, UCHUKUZI NA MAWASILIANO:

251. MHESHIMIWA ABDALLAH HAMIS ULEGA (MKURANGA):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, Serikali ipo tayari kuwalipa fidia Wananchi waliowekewa alama za "X" kwenye nyumba zao katika barabara ya Mkuranga kwenda Kisiju.

WIZARA YA AFYA, MAENDELEO YA JAMII, JINSIA, WAZEE NA WATOTO:

252. MHESHIMIWA MUNIRA MUSTAFA KHATIBU (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-

Je, Serikali ina mpango gani wa kufuta tozo na gharama za vifaa vya kujifungulia na upasuaji kama ilivyofuta gharama za matibabu kwa Wazee na Wagonjwa wa kisukari.

WIZARA YA ELIMU, SAYANSI, TEKNOLOJIA NA UFUNDI:

253. MHESHIMIWA MUSA RASHID NTIMIZI (IGALULA):

Atamuuliza Mheshimiwa Waziri wa Elimu, Sayansi, Teknolojia na Ufundi:- Serikali inahamasisha upatikanaji wa elimu kwa maana ya ujenzi wa Shule nyingi zaidi karibu na makazi ya Wananchi wetu yaani *Satellite Schools* na Waheshimiwa Wabunge na Madiwani wameitikia wito na Viongozi tumezichangia sana:-

Je, ni kwa nini Serikali haizisajili Shule hizo na kupeleka Walimu.

IV. HOJA ZA SERIKALI:

WAZIRI WA KILIMO, MIFUGO NA UVUVI:

Kwamba, Bunge sasa likubali kupitisha Makadirio ya Mapato na Matumizi ya Wizara ya Kilimo, Mifugo na Uvuvi kwa Mwaka wa Fedha 2017/2018.

(Majadiliano yanaendelea)

**DODOMA
22 MEI, 2017**

**DKT. T. D. KASHILILAH
KATIBU WA BUNGE**